

श्रीपार्श्वनाथकल्पः ।

११

६. श्रीपार्श्वनाथकल्पः ।

सुरअसुरखयरकिन्नरजोईसरविसरमहुअराकलिअं । तिहुअणकमलागेहं नमामि जिणचलणनीररुहं ॥ १ ॥
 जं पुबमुणिगणेणं अविअप्पाणप्पकप्पमज्झमि । सुरनरफणिपहुमहिअं कहिअं^१ सिरिपासजिणचरिअं ॥ २ ॥
^२संकिण्णसत्थनिक्खित्तचित्तवित्तीण धम्मअजणाण । तोसकए तं कप्पं भणामि पासस्स लेसेण ॥ ३ ॥
 भवभमणभेयणत्थं भविआ भवदुक्खभारभरिअंगा । एयं समासओ पुण पभणिज्जंतं मए सुणह ॥ ४ ॥ 5
विजया जया य कमठो पउमावइ-पासजकख-वइरुहा । धरणो विज्जादेवी सोलसइहिद्वायगा जस्स^३ ॥ ५ ॥
 पडिमुप्पत्तिनियाणं कप्पे कलिअं पि नेह संकलिअं । एयस्स गोरवभया पडिहिइ न हु को इमं पच्छा ॥ ६ ॥
 अह जलहिचुलुअमाणं करेइ तारयविमाणसंखं जो । पासजिणपडिममहिमं कहिउं न वि पारए सो वि ॥ ७ ॥
 एसा पुराणपडिमा अणेगठाणेसु संठवेऊणं । खयरसुरनरवरेहिं महिआ उवसग्गसमणत्थं ॥ ८ ॥
 तह वि हु जणमणनिच्चलभावकए पाससामिपडिमाए । इंद्राईकयमहिमं कित्तिअमेयाइ^४ ता वुच्छं ॥ ९ ॥ 10
 सुरअसुरवंदिअपए सिरिमुणिसुव्वयदिणेसरे इत्थ । भारहसरंमि भविअणकमलाइं बोहयंतंमि ॥ १० ॥
चंपाइ पुरवरीए एसा सिरिपाससामिणो पडिमा । रयणायरोवकंठे जोईसरवन्निआ आसि ॥ ११ ॥
सक्कस्स कत्तिअभवे सयसंखाभिग्गहा गया सिद्धि । एआए झाणाओ वयगहणाणंतंरं तइया ॥ १२ ॥
सोहम्मवासवो तं पडिमामाहप्पमोहिणा मुणिउं । अंचइ तत्थेव ठिअं महाविभूईइ दिव्वाए ॥ १३ ॥
 एवं वच्चइ कालो कयवयवासेहिं रामवणवासो । राहवपहावदंसणहेउं लोआण हरिवयणा ॥ १४ ॥ 15
 रयणजडियखयरसंजुअसुरजुअलेणं च दंडगारणो । सतुरयरहो अ पडिमा दिव्वेसा रामभइस्स ॥ १५ ॥
 सगमासे नवदिअहे^६ विदेहदुहिओवणीयकुसुमेहिं । भत्तिभरनिब्भरेणं महिआ रहुपुंगवेण तया^७ ॥ १६ ॥
रामस्स पवलकम्मयमलंघणिज्जं च वसणमोइण्णं । नाऊण सुरा भुज्जो^{१०} तं पडिमं निति तं ठाणं ॥ १७ ॥
 पूअइ पुणो वि सक्को^{११} पगिट्ठभत्तीइ दिव्वभोएहिं । एवं जा संपुण्णा एगारसवासलक्खा य ॥ १८ ॥
 तेणं कालेणं जउवंसे बलएव-कण्ह-जिणनाहा । अवइन्ना संपत्ता जुवणमह केसवो रज्जं ॥ १९ ॥ 20
कण्हेण जरासंधस्स विग्गहे निअदलोवसग्गोसु । पुट्ठो नेमी भयवं पच्चूहविणासणोवायं ॥ २० ॥
 ततो आइसइ पहू-पुरिसत्तम ! मज्झ सिद्धिगमणाओ । सगसयपण्णासाहिअतेसीसहसेहिं वरिसाणं ॥ २१ ॥
 होही पासो अरिहा विविहाहिद्वायगेहिं नयचलणो । जस्सच्चाण्हवणजलासित्ते लोए समइ असिवं ॥ २२ ॥
 सामी ! संपइ कत्थवि तस्स जिणिंदस्स चिट्ठए पडिमा ? । इअ चक्कधरेणुत्ते तमिंदमहिअं कहइ नाहो ॥ २३ ॥
 इअ जिण-जणदणाणं अह सो मुणिउं मणोगयं भावं । मायलिसारहिसहिअं रहमेयं पडिममप्पेइ ॥ २४ ॥ 25
 मुइओ मुररिउं^{१२} पडिमं प्हवेइ^{१३} घणसारघणघणरसेहिं । पूअ^{१४} परिमलबहलमलचंदणचारुकुसुमेहिं ॥ २५ ॥
 पच्छागयगहदिन्नं सिन्नं सिंचेइ सामिसलिलेणं । जंतुवसग्गा विलयं विलयं जह जोगिचित्ताइं ॥ २६ ॥
 बहुदुहवणं^{१६} निहणं पत्ते^{१७} पच्चद्वचक्कवट्ठिमि । जाओ जयजयरावो^{१७} जायवनिवनिविडभडसिन्ने ॥ २७ ॥
 तत्थेव विजयठाणे निम्माविअमहिणवं जिणाएसा । संखउरनयरजुत्तं ठविऊणं पासपहुविंवं ॥ २८ ॥
 पडिममिमं संगिण्हिअ निअनयरमुवागयस्स कण्हस्स । भूवेहिं वासुदेवत्तणाभिसेऊसवो विहिओ ॥ २९ ॥ 30
 कण्हनरिंदेण तओ मणिकंचणरयणरइअपासाए । सत्तयवाससआइं संठाविअ पूअआ पडिमा ॥ ३० ॥

1 Pb मईअं । 2 Pa-b संखित्त°; A C P संकित्त । 3 Pa यस्स । 4 Pa कित्तियमित्ताइं । 5 Pa भरह° ।
 6 Pa कयवइ° 7 Pa °खयरसंजुयलेण । 8 Pa °दिवसे । 9 Pa विना सवैत्र 'तहा' । 10 Pa पुज्जो । 11 A B
 Pb पकिट्ठ° । 12 A Pa मुररिउ; C सिरिरिउ । 13 B Pb प्हवइ । 14 Pa पूअइ; Pb पूअइ । 15 A वट्ठं ।
 16 Pb पच्चट्ठं । 17 B C °राओ ।

१२

विविधतीर्थकल्पे

- जाए ^१जायवजाई^२पलए देवाउ दारवइ^३दाहे । सामिपहावा देवाल्यंमि न हु पावगो लग्गो ॥ ३१ ॥
 सिद्धि ^४पुरीइ तइया जलनिहिणा रुद्रमंदिरसमेओ । लोलहरीकरेहिं नाहो नीरन्तरे^५ नीओ ॥ ३२ ॥
 तक्खयनाभिदेणं तइया रमणत्थमुरग^६रमणीहिं । तत्थागएण दिट्ठा पहुपडिमा पावनिइलणी ॥ ३३ ॥
 पमुइअमणेण तत्तो नायवहूविहिअनट्टकलहट्टं । महया महेण महिआ जावऽसिई^७वाससहसाइं ॥ ३४ ॥
 ५ वरुणो वरहरिअवई तयवसरे सायरं पलोअंतो । तक्खयपूइज्जंतं पासइ तिहुअणपहुं पासं ॥ ३५ ॥
 एसो सो गोसामी जो सुरनाहेण^८ पूइओ पुबिं । इण्ह मज्झवि जुज्झइ सहायणं सामिचलणाणं ॥ ३६ ॥
 चित्तिअमत्थमहीणं पत्थिअ सेवइ जिणेसमणवरयं । जा चउवच्छरसहसा ठिआ य अह तेण समएणं ॥ ३७ ॥
 सिरिवद्धमाणजलए तिलए लोअस्स भरह खित्तंमि । अविरलगोपूरेणं सिंचंते भवसस्साइं ॥ ३८ ॥
 कंतिकलाकलसीकयसुरपुरपडमाइ कंतिनयरीए । वसइ सुहसत्थवाहो धणेसरो सत्थवाहु^९ ति ॥ ३९ ॥
 १० सो अन्नया महिओ विणिग्गओ जाणवत्तजत्ताए । संजत्तिअवयजुत्तो सिंहलदीवंमि संपत्तो ॥ ४० ॥
 तत्थ विट्ठप्पिअ पणगणमागच्छंतस्स तस्स वेगेण । पवहणथंभो सहसा जाओ जलरासिमज्झंमि ॥ ४१ ॥
 विमणमणो जा चित्तइ पयडीहोऊणं सासणसुरी ता । पडमावई^{१०} पयंपइ—मा बीहसु वच्छ ! सुण वयणं ॥ ४२ ॥
 वरुणविणिग्गिअमहिमो महिमोहमरट्टमणो भइ ! । इह नीरतले चिट्ठइ पासजिणो नयसु सं ठाणं ॥ ४३ ॥
 देवि ! कहं मह सत्ती जिणेसगहणे समुदजलमूला । एवं धणेसकहिए तो भासइ सासणादेवी ॥ ४४ ॥
 १५ पविस मह पुट्टिलगो कड्डसु पडुमामसुत्तंतूहिं । आरोविअ पोअवरे सावय ! वय निअपुरिं सुत्थो ॥ ४५ ॥
 काऊण सबमेयं लोगत्तयनायगं गहेऊण । संजायहरिसपगरिसपुलइअगतो महासत्तो ॥ ४६ ॥
 खणमित्तेण सठाणं समागओ परिसरे पडकुडीओ । रइआविअ जाव ठिओ एइ जणो सम्मुहो ताव ॥ ४७ ॥
 गंधबगीइवाइअरवेण ^{११}सूहवयनारिधवलेहिं । बहिरिअककुहो नाहं दाणं दित्तो पवेसेइ ॥ ४८ ॥
^{१२}रययामलसच्छायं पासायं कारिऊण कंतीए । विणिवेसिअ भुवणगुरुं निच्चं पूएइ भत्तीए ॥ ४९ ॥
 २० कालंतरमावणे धणेसरे पउरनायरवरेहिं । वाससहस्से पहुणो पूइज्जंतस्स वक्कंते ॥ ५० ॥
 देवाहिदेवमुत्तिं परिअररहिअं तया^{१३} य कंतीए । मेलिअ रसस्स थंभणनिमित्तमागासमग्गेण ॥ ५१ ॥
 कलिअकलाकालत्तयपालित्तयगणहरोवएसाओ । नागज्जुणजोइंदो^{१४} आणेही अप्पणो ठाणे ॥ ५२ ॥
 जोइणि गए कयत्थे नत्थं मुत्तूण नाहमडवीए । रसथंभाओ होही थंभणयं नाम तित्थं ति ॥ ५३ ॥
 उब्भिन्नवंसयालंतरट्ठिओ सुरहिखीरणहविअंगो । आकंठखिइनिमग्गो जणेण जक्खु ति कयनामो ॥ ५४ ॥
 २५ अच्चिस्सइ तयवत्थो जिणनाहो पणसयाइं वरिसाणं । तयणु धरणिंदनिम्मिअसत्तिज्जो विइअसुअसारो ॥ ५५ ॥
 सिरिअभयदेवसूरी दूरीकयदुहिअरोगसंघाओ । पयडं तित्थं काही अहीणमाहप्पदिप्पंतं ॥ ५६ ॥
 कंतीपुरीइ भयवं पुणो गमिस्सइ तओ अ जलहिंमि । बहुविहनयरेसु अ गडुवगडुव^{१५} महिमाइ दिप्पंतो ॥ ५७ ॥
 अह को तीआणागयपडिमाठाणाण साहणसमत्थो । जइवि हु सो सहसमुहो^{१६} हविज्ज रसणासयसहस्सो ॥ ५८ ॥
 पावा-चंप-ऽट्ठावय-रेवय-संमेअ-विमलसेलेसु । कासी-नासिग-मिहिला-रायगिहिप्पमुहत्तिथेसु ॥ ५९ ॥
 ३० जत्ताइ पूअणेणं दाणेणं^{१७} जं फलं हवइ जीवो । तं पासपडिमदंसणमित्तेणं पावए इत्थ ॥ ६० ॥
 मासक्खमणस्स फलं वंदणबुद्धीइ पाससामिस्स । छम्मासिअस्स पावइ नयणपहगयाइ पडिमाए ॥ ६१ ॥
 निरवच्चो बहुतणओ धणहीणो धणयसंनिहो होइ । दोहग्गोवि हु सुहओ पहुदिट्ठीए जणो^{१८} दिट्ठो ॥ ६२ ॥

१ Pb जावण° । २ Pa सिद्धिपुरीओ । ३ ABPa नीरतरे । ४ P °मुरगय° । ५ A B Pa जावसिवाई° ।
 ६ P सुरलोगाहिवेण । ७ P सत्थवाहोत्थि । ८ P सूहवइ° । ९ P रइयाय° । १० Pa तयाइ । ११ P जोगिंदो ।
 १२ Pa गहयगरुय । १३ C सहसुहो । १४ 'दाणेणं' नास्ति C । १५ P जणे जिट्ठो ।

श्रीपार्श्वनाथकल्पः ।

१३

मुक्खत्तं कुकलत्तं कुजाइजम्भो कुरूव-दीणत्तं । अन्नभवे पुरिसाणं न हुंति पटुपडिमपणयाणं ॥ ६३ ॥
 अडसट्ठितित्थजत्ताकए भमइ कह वि मोहिओ लोओ । तेहिं तोऽणंतगुणं फलमप्पिते जिणे पासे ॥ ६४ ॥
 एगेण वि कुसुमेणं जो पडिमं महइ तिव्वभावो सो । भूवालिमउलिमउलिअचरणो चक्काहिवो होइ* ॥ ६५ ॥
 जे अट्ठविहं पूअं कुणंति पडिमाइ परमभत्तीए । तेसिं देविंदाईपयाइ^१ करपंकयत्थाइ* ॥ ६६ ॥
 जो वरकिरीडकुंडलकेयूराईणि^२ कुणइ देवस्स । तिहुअणमउडो होऊण सो लहुं लहइ सिवसुक्खं* ॥ ६७ ॥ 5
 तिहुअणचूडारयणं जणनयणामयसलागिगा^३ एसा । जेहिं न दिट्ठा पडिमा निरत्थयं ताण मणुअत्तं* ॥ ६८ ॥
 सिरिसंघदास^४ सुणिणा लहुकप्पो निम्मिओ अ पडिमाए । गुरुकप्पाओ अ मया संबंधलवेसमुद्धरिओ ॥ ६९ ॥
 जो पढइ सुणइ चित्तइ एयं कप्पं स कप्पवासीसु । नाहो होऊण भवे सत्तमए पावए सिद्धिं ॥ ७० ॥
 गिहचेइअंमि जो पुण पुत्थयलिहिअं पि कप्पमच्चेइ । सो नारयतिरिएसुं निअमा नो जाइ चिरबोही^५ ॥ ७१ ॥
 हरिजलहिजलणगयगयचोरोगमहनिवारियारिपेयाणं । वेयालसाइणीणं भयाइं नासंति दिणि^६ भणणे ॥ ७२ ॥ 10
 भव्वाण पुन्नसोहा पाणीआइन्नहिअयठाणं पि । कप्पो कप्पतरू इव विलसंतो वंछिअं देउ* ॥ ७३ ॥
 जावय मेरुपईवो महिमल्लिअओ ससुद्धजलतिल्लो । उज्जोअंतो चिट्ठइ नरखित्तं ता जयउ^७ कप्पो ॥ ७४ ॥

॥ इति श्रीपार्श्वनाथस्य कल्पसंक्षेपः† ॥ ७ ॥

§दढवाहिविहुरिअंगा अणसणगहणत्थमाहविअसंघा । नवसुत्तकुकुडि^८ विमोहणाय भणिआ निसि सुरीए ॥ १ ॥
 दीविअहत्थअसत्ती नवंगविवरणकहाचमुक्करिआ । थंभणयपासंवदणउवइट्ठारोभाविहिणो अ ॥ २ ॥ 15
 संभाणयाउ चलिआ^९ धवलक्कपुरा परं^{१०} चरणचारी । थंभणपुरंमि पत्ता सेठीतडजरपलासवणे ॥ ३ ॥
 गोपयझरणुवलक्खिअ भुवि 'जयतिहुअण' थवद्धपच्चक्खे । पासे पूरिअथवणा गोविअसकलंतवित्तदुगा ॥ ४ ॥
 संघकराविअभवणे गयरोगा ठविअ पासपटुपडिमा । सिरिअभयदेवसूरी विजयंतु नवंगवित्तिकरा ॥ ५ ॥

जन्माग्रेऽपि^{११} चतुःसहस्रशरदो देवालये योऽर्चितः

स्वामी वासववासुदेवरुणैः स्वर्वाङ्घ्रिमध्ये ततः ।

20

कान्त्यामिभ्यधनेश्वरेण महता नागार्जुनेनाश्रितः

पायात् स्तम्भनके पुरे स भवतः श्रीपार्श्वनाथो जिनः ॥ ६ ॥

॥ इति श्रीस्तम्भनककल्पः ॥ अं० १०० (प्रत्यन्तरे १११)

* एतत्तारकाङ्कित गाथाः P आदर्शे नोपलभ्यन्ते । 1 Pb °कयाइ । 2 C Pb केऊरा० । 3 Pb सिलागा ।
 4 Pb संघदाण० । 5 P थिरवेहो । 6 P दिण० । 7 Pb जयइ । † P इति श्रीपार्श्वकल्पः संक्षेपतः । § षट्पद्यात्मिका
 एषा स्तुतिर्नोपलभ्यते A आदर्शे । 8 Pa कुकुडि० । 9 AP चलिआउ । 10 AP पुरं । 11 A B Pa-b यन्मार्गेऽपि ।